

Sámi Siida rs.

Dohkkehuvvon stivrra čoahkkimis 4.3.2004
Stivrra evttohus jahkečoahkkimii 17.3.2004

SÁMI SIIDA DOAIBMAPLÁNA 2004

0. Oppalohkái

Sámi Siida joatká Ohcejoga guovllu sámiid sosiálalaš, vuoigatvuođalaš, kultuvralaš ja almmolaš ekonomálaš vuoigatvuođaid ovddidanbarggu nugo njuolggadusat geatnegahttet. Maiddái oktasašbargu rastá riikkaid rájá gullá searvvi bargui.

Dáid ulbmiliid ollašuhttimii searvi lea mielde ealáhusvuoigatvuođalaš Deanu seminára ordnemis, joatká guovllu girjjálašvuođa dovddusin dahkama, fuolaha sohka buolvvaid oktavuodain ja ordne doaimmaid mánáide ja nuoraide.

Čearddalaš iešdovddu olis searvi ordne álbmotbeaivvi doaluid ovttas Sirpmá giliservviin. Searvi addá cealkámušaid áiggeguovdilis áššiin ja joatká servviid oktasašbarggu ovddidemiin. Jahkečoahkkima dohkkehan doaibmaplána áigumušaid ollašuhttin doibmet vuostas sajis searvvi stivra, čállu ja ruhtadoalli.

Searvvi doaimmaid lea váttis juohkit čielga joavkkuide. Mánngat doaimmat laktasit oktii, muhto dattege áigumušat leat doaibmaplána biddjon juoga bajilčállaga vuollái.

1. Sáme guovllu ovttasbarggu fierpmádat

Searvi lea lahttun Suoma sámi valástallanlihtus (oan. SVL-FI) ja Suoma sámiid guovddášsearvvis. SVL-FI stivrras Sámi Siiddas lea ovddasteaddji ja ulbmilin lea čadahišgoahtit sámi valástallan vugiid, mat čujuhit árbevirolaš stoahkamiidda.

Sámi Siida váldá oasi Suoma sámiid guovddášsearvvi bargui áktiivvalaččat.

Dát sáhtá dahkkot omd. álgagiid dahkamiin ja oassálastimiin čoahkkimiidda ja eará doaluide. Ohcejoga sámesearvi Sámi Siida lea lahka Badje-Deanu Siidda, Deatnogátti sámesearvvi, Deanu sámiid searvvi ja Sirpmá gilisearvvi. Dáidda ja vejolaš eará servviide dollo jievddalaš oktavuoha ja fievrriiduvvojit oktasaš doaimmat. Ee. Deanu lávvaáššit gáibidit ovttasbarggu rastá rájá.

Sámiid álbmotbeaivi 6.2.2004 ordnejuvvo ovttas Sirpmá giliservviin.

Sámi Siida lea juo álbmotbeaivvi ásaheami rájes ordnen ávvodoaluid ja dat leat sajáiduvvan bures maiddái hámi dáfos guvlui. Beaivái gullet kulturprográmma ja sámi mállásat. Searvi lea lágidan doaluid ovttas Sirpmá giliservviin ja vuoruid mielde ordnejuvvon Ohcejotnjálmme ja Sirpmás. Jagis 2004 lea Sirpmá giliisearvvi vuorru doaibmat doaluid praktihkalaš lágideaddjin. Golloárvoštallan oktiibuot dáidda bargguide manná 1500 euro.

2. Valástallan

Sámi Siida lágida jagi 2004 SM geassegilvvuid Gáregasnjárgga guovllus.

Sámi Siida váldá oasi sáme measttirčoigamiidda 26.-28.3.04 Sohppáris.

3. Sohkabuolvvaid oktavuoha

Searvvi doaibmaulbmilin leamaš juo guhká buktit sohkabuolvvaid oktii. Jagis 2004 čadahuvojit doaimmat nu ahte geahččaluvvo máhcahit guovllu luohiti albmosii ja nuppe dáfus ordnejuvvo sámegeilat karaokelávlun. Geahččaluvvo maid ráp musihka ovddideapmi nu ahte čohkkejuvvo joavku mii álgá hárhallat.

3.1. Luohiti ihtá

Ohcejoga guovllu luohiti lea čihkosis. Ulbmilin lea buktit guovllu luohitedáiddu oidnosii. Dát dahkko nu ahte jearahallojit luohitečeahpit. Luohitečehppodat dolvojuvvo maid nuoraide. Jos vejolaš, bohtet ođđa ja boarrasut luohit lávdiide omd. Albmotbeaivve doaluiguin Sirms 6.2.04. Maŋnelis almmustahtto CD guovllu luohitiin. Golloárvvoštallan 750 euro.

3.2. Čakčadoalut lávlagiiguin

Searvi álggaha karaokelávlun doaimma. Doaibma álggahuvvo uhcánaššii ja lasihuvvo beroštumi mielde. Guovllus lea teknihkalaš vejolašvuodát goit muhtin muddui. Golloárvvoštallan 750 euro.

4. Ráp musihkka

Ohcejogas lea ráp musihkkii stuorra beroštupmi. Searvi álggaha ráp musihkkabarggu nu ahte čohkke joavkkuid giliid mielde. Juohke gilils lea ovddasvástideaddji gii jođiha doaimma. Ráp ovddida sámegeiela ja diktema ja lea danne dehálaš ee. nuoraide. Golloárvvoštallan oktiibuot 500 euro.

5. Ealáhusaid ovddideapmi

Searvi joatká ealáhusáššiid ovddideami. Dát dahkko maiddái ovttas eará servviiguin ja berošteaddjiiguin. Searvi čuovvu jođus leahkki lávva- ja eará servodatplánemii guoski gažaldagaid aktiivalaččat ja geahččala váikkuhit dáidda. Ordnejuvvo dárbbu mielde oktasaš deaivvadeapmi lagaš guovllu servviiguin. Dán doaimma vuollái gullá maiddái goahtefidnu, man ulbmilin lea ee. hukset goađi juohke gillái, kártet goahtesajiid. Dát guoskkaha báikkálaš olbmuid eanageavaheapmái. Searvi bargá ovttas ee. gieiddain ja earáiguin dán áššis.

6. Hálddahus-, diehtujuohkin- ja doaibmagolut

Stivrračoahkkimat, jahkečoahkkin, almmolaš háleštallamat, deaivvadeamit, ovddasteamit, oassálastin servodatdoaimmaide ja deaivvademiide, čoahkkimiidda jdd. Oktasašbargu eará servviid doaimmain ja eará servodatdoaimmiiguin. Oktavuodaid doallan (telefon, boasta, kopiat, e-boasttat jdd). Golloárvvoštallan 4000 euro.